



# **MAJLIS PERBANDARAN SEBERANG PERAI**

## **TEKS UCAPAN**

**YBHG. DATO' Sr HAJI ROZALI BIN HAJI MOHAMUD  
YANG DIPERTUA MPSP**

## **SEMPENA**

# **PROGRAM GROWTH MARKET**

**13 Mei 2018 (Ahad)**

**8.00 pagi**

**AUTOCITY JURU**

**Terima kasih Saudara/Saudari Pengacara Majlis**

**Yang Dihormati Ahli Majlis-Ahli Majlis**

Majlis Perbandaran Seberang Perai

**Yang Berusaha Puan Ir Hjh Rosnani bt Hj Mahmud**

Setiausaha Perbandaran

Majlis Perbandaran Seberang Perai

**Ketua–Ketua Jabatan dan Pegawai**

Majlis Perbandaran Seberang Perai

**Wakil-Wakil Komuniti Yang Mengambil Bahagian**

**Rakan-Rakan Media**

**Tuan-Tuan Dan Puan-Puan Yang Dihormati Sekalian**

---

Assalamualaikum warahmatullahi wabarakatuh,

Selamat pagi dan salam sejahtera,

Alhamdulillah, bersyukur kehadiran Allah S.W.T. kerana dengan izin dan limpah kurnianya dapat kita bersama-sama pada hari ini dalam Program Growth Market yang bertempat di Autocity, Juru. Terima kasih juga kepada semua yang hadir memeriahkan program ini dan juga yang terlibat secara langsung dalam menjayakan program ini. Syabas saya ucapkan kepada semua kerana program ini berjaya menarik minat penduduk Seberang Perai.

Malalui Pelan Strategi Seberang Perai 2018-2022, MPSP mensasarkan Seberang Perai akan menjadi Bandaraya Rendah Karbon menjelang tahun 2022. Justeru pelbagai program aktiviti telah dirancang dan dijalankan untuk menjayakan hasrat ini. Antaranya Program Anugerah Komuniti Mampan yang diadakan setiap tahun dan didapati ada peningkatan dari segi jumlah penyertaan dari tahun ke tahun.

Penyertaan adalah terbuka kepada semua Persatuan Penduduk (PP) yang berdaftar, Rukun Tetangga (RT), Jawatankuasa Keselamatan dan Kemajuan Kampung (JKKK), *Joint Management Body* (JMB),

*Management Corporation* (MC) dan Pusat Sumber Alam Sekitar di kawasan Majlis Perbandaran Seberang Perai.

Dalam anugerah ini, aktiviti-aktiviti inisiatif komuniti mampan yang boleh dijadikan rujukan peserta adalah:-

- i. Kitar Semula
- ii. Pengasingan Sisa di Punca
- iii. Kompos Sisa Organik
- iv. Membuat jus buah-buahan tertapai
- v. Penanaman pokok,
- vi. Pengindahan
- vii. Kebersihan taman
- viii. Kebun Kejiranan
- ix. Kempen kesedaran alam sekitar dan program sosial
- x. Gotong-royong.
- xi. Program pengurangan jejak karbon
- xii. Promosi 8R (*Rethink, Refuse, Reduce, Reuse, Repair, Re-gift, Recover dan Recycle*)

**Tuan-tuan dan puan-puan yang dihormati sekalian,**

Seberang Perai juga telah berjaya dengan satu pencapaian yang hebat di mana kadar kitar semula bagi keseluruhan Seberang Perai telah meningkat daripada 22% pada tahun 2008 kepada 43.25% pada tahun 2017. Kadar kitar semula ini, adalah beratan kitar semula dari pelbagai agensi seperti pusat kitar semula di kawasan perkampungan

dan perumahan, kilang, NGO dan juga sekolah-sekolah di seluruh Seberang Perai.

Berdasarkan pencapaian tersebut, MPSP telah menetapkan sasaran untuk mencapai kadar kitar semula sebanyak 70% dan beratan sampah ke tapak pelupusan sampah dikurangkan sehingga 50% pada tahun 2022 dalam Pelan Strategi Seberang Perai 2018 – 2022. Kadar sampah yang dihasil perkapita didapati berkurang daripada 1.6kg/orang/hari pada tahun 2008 kepada 1.09kg/orang/hari pada tahun 2017.

Kadar sampah perkapita didapati berkurangan adalah hasil dari Dasar Pengasingan Sisa di Punca telah dikuatkuasakan sejak 1 Jun 2016. Selain itu, ianya juga berpunca dari kesedaran komuniti dan masyarakat setempat yang mengamalkan amalan kitar semula di mana penghuni premis yang memilih untuk:-

- Menjual sendiri barang kitar semula mereka.
- Menghantar barang kitar semula ke pusat pengumpulan komuniti.
- Menyerahkan barang kitar semula kepada pihak ketiga (scavengers) secara sukarela.
- Barangan kitar semula dikutip oleh pihak ketiga (scavengers) sebelum MPSP membuat kutipan.

Justeru, MPSP telah menetapkan sasaran untuk mencapai penghasilan sampah perkapita pada tahap 0.8kg/orang/hari menjelang tahun 2022. Angka-angka ini merupakan satu sasaran yang tinggi dan hanya boleh dicapai sekiranya MPSP dan penduduk Seberang Perai bersama-sama berganding bahu mencapai matlamat ini. Saya berkeyakinan sasaran ini boleh dicapai kerana penduduk Seberang Perai telah maju daripada pemikiran dan penjagaan alam sekitar.

MPSP juga telah bekerjasama dengan sektor swasta bagi memasarkan barangan upcycle iaitu pada setiap Sabtu minggu pertama Karnival Upcycle di Autocity, Juru dan Karnival 8R bersama JCI Batu Kawan di Pasar Awam Kota Permai setiap hari Ahad minggu terakhir setiap bulan. Manakala pada hari ini iaitu pada Ahad minggu ke dua diadakan Growth Market di Autocity, Juru bermula jam 8.00 pagi hingga 12.00 tengah hari.

Growth Market ini ditubuhkan oleh Pop & Chee Healthy Home Farming, Ms. Chee Hoyyee dan Joeyin Chuah daripada Komichi Tea House. Ianya bertujuan untuk membentuk kehidupan yang sihat melalui komuniti dengan pertanian tempatan yang lebih organik dan natural. Program ini merupakan kerjasama dengan Autocity Juru bagi menghimpunkan petani-petani tempatan daripada seluruh Negeri Pulau Pinang untuk mengadakan jualan mereka. Selain daripada hasil-hasil

pertanian, ia juga menghimpunkan *homemade product* yang dibuat oleh komuniti untuk dijual. Growth Market ini mensyaratkan produk yang hendak dipasarkan disini mestilah sekurang-kurangnya 70% adalah organik.

Sehingga kini, terdapat lebih kurang 40 buah gerai yang dibuka di Growth Market Autocity Juru ini. Selain kerjasama dengan Autocity Juru yang menaja lokasi dan alat siar raya, Growth Market ini juga bekerjasama dengan *Art Of Living* yang memberi penajaan dari segi aktiviti yoga and *breathing session*. Kerjasama juga diperolehi daripada JCI Butterworth yang menyokong dari segi aktiviti kitar semula surat khabar. Syarikat *Reading Movement* juga memberi penajaan dari segi mengadakan kelas yang dikendalikan oleh guru professional kepada ibu bapa dan kanak-kanak. Kelas ini bertujuan untuk mengajar ibu bapa kaedah untuk mengajar dengan lebih berkesan. Di samping itu, *Ewolves Class* memberi penajaan kelas zumba dan tabata fitness dance dan Tze Chi Budhist menjalankan pendidikan kitar semula.

Pelbagai aktiviti dijalankan semasa *Growth Market* ini berlangsung, bukan hanya jualan hasil pertanian dan *homemade product* bahkan juga aktiviti riadah dan sihat. Terdapat juga *Children Barter Trade Zone* yang dikendalikan oleh kanak-kanak dan *Organic*

*Workshop* yang dikendalikan oleh *Growth Market* seperti *food composting*, pembuatan enzyme dan penanaman sayur-sayuran.

Saya berpendapat program sebegini merupakan satu aktiviti yang sihat dan dapat meningkatkan *Local Economic Development (LED)* setempat. MPSP sentiasa menyokong usaha-usaha semua pihak dalam menjayakan program untuk masyarakat. Marilah kita menjadi *environmental game changer* ke arah mencapai Seberang Perai Rendah Karbon pada tahun 2022 dan juga merealisasikan motto Negeri Pulau Pinang dalam menjadikan Pulau Pinang sebagai “*Cleaner, Greener, Safer and Healthier Penang*”.

### **Tuan-tuan dan Puan-puan Yang Dihormati Sekalian,**

Saya mengucapkan ribuan terima kasih kepada para hadirin sekalian dan warga Seberang Perai dalam usaha membantu MPSP untuk menjaga Seberang Perai supaya lebih bersih dan cantik serta mempunyai penduduk yang sihat sejajar dengan *tagline* MPSP iaitu “***Seberang Perai Aspirasi Bandar Masa Hadapan***” atau “***Seberang Perai Aspiring City of Tomorrow***”.

Akhir kata, terima kasih kepada masyarakat yang telah menyokong semua usaha yang telah dibuat oleh MPSP selama ini dan



menyeru penglibatan seluruh warga Seberang Perai untuk menyokong inisiatif-inisiatif yang direncanakan oleh MPSP ke arah pembentukan sebuah Bandaraya Rendah Karbon di Seberang Perai menjelang tahun 2022.

**Sekian,**

***Wabillahi Taufik Wal Hidayah, Wassalamualaikum Warahmatullahi***

***Wabarakatuh.***

**Terima kasih.**